



Broj: 03-6679/17  
Đurdevik, 09.10.2017

Na osnovu člana 89. i 70. stav (3) Zakona o javnim nabavkama Bosne i Hercegovine ("Službeni glasnik BiH" broj 39/14), Zapisnika o ocjeni ponuda od 04.10.2017. godine na osnovu člana 65. Zakona i člana 65. Statuta JP Elektroprivreda BiH d.d. - Sarajevo, Zavisno društvo Rudnik mrkog uglja "Đurdevik" d.o.o. - Đurdevik, Direktor Zavisnog društva Rudnik mrkog uglja "Đurdevik" d.o.o. - Đurdevik, donosi:

### O D L U K U

o izboru najpovoljnijeg ponuđača za javnu nabavku robe  
**Čelici, čelični lim i čelična cijev**

Nakon provedenog postupka konkurentskog zahtjeva za dostavu ponuda za nabavku robe – **Čelici, čelični lim i čelična cijev**, ugovor se dodjeljuje ponuđaču "**Ferhem**" d.o.o. Lukavac čija je ponuda ocjenjena kao najuspješnija.

### O B R A Z L O Ž E N J E

Po obavještenju o nabavci za javnu nabavku robe: **Čelici, čelični lim i čelična cijev** broj obavještenja: 350-7-1-577-3-205/17 objavljenom na Portalu javnih nabavki dana, 13.09.2017. godine. evidencijski broj nabavke 03-6175/17, Tendersku dokumentaciju u skladu sa članom 55. stav (1) tačka d) ZJN BiH preuzelo je 16 ponuđača a što se vidi iz izvještaja o preuzimanju tenderske dokumentacije od strane ponuđača sa Portala javnih nabavki www.ejn.gov.ba kreiranog 03.10.2017. godine, a koji je sastavni dio ovog zapisnika.

Rok za dostavu ponuda bio je 03.10.2017. godine do 11:00 sati, a javno otvaranje ponuda je zakazano za je 03.10.2017. godine u 11:30 sati u prostorijama Rudnika.

Na osnovu poziva i Obavještenja o nabavci svoju ponudu u datom roku su dostavili sljedeći ponuđači:

- 1) Ponuda sa prijemnim brojem 19-6549/17 od 03.10.2017. godine,  
Ponuđač: "Treasure" d.o.o. Zenica.
- 2) Ponuda sa prijemnim brojem 19-6552/17 od 03.10.2017. godine,  
Ponuđač: "Ferhem" d.o.o. Lukavac.

Javno otvaranje ponuda je dana 03.10.2017. godine u 11:30 sati izvršila Komisija za provođenje postupka javne nabavke imenovana Rješenjem direktora broj: 03-6176/17 od 18.09.2017. godine.

Javno otvaranje ponuda izvršeno je u skladu sa članom 63. Zakona o javnim nabavkama i sačinjen je Zapisnik o otvaranju ponuda. Javnom otvaranju ponuda nisu prisustvovali predstavnici ponuđača.

Zapisnik sa javnog otvaranja ponuda i zapisnik o zaprimanju ponuda je dostavljen svim ponuđačima.

**Tabela (analitički prikaz traženih i dostavljenih dokumenata za kvalifikaciju)**

Broj zahtjeva	Zahtjev u predmetnom postupku (član 45.-52. ZJN BiH)		Dokaz o pravu ponuđača da obavljaju profesionalnu djelatnost koja je u vezi sa predmetom nabavke u skladu sa članom 46. Zakona o javnim nabavkama BiH	Pismena izjava iz člana 52. Stav (2) Zakona o javnim nabavkama BiH ovjerena kod nadležnog organa
	Ponuđač			
1.	"Treasure" d.o.o. Zenica.	Ponuden (DA/NE)	DA	DA
		Zadovoljen zahtjev (DA/NE)	DA	DA
2.	"Ferhem" d.o.o. Lukavac	Ponuden (DA/NE)	DA	DA
		Zadovoljen zahtjev (DA/NE)	DA	DA

Obzirom da je u obavještenju o nabavci navedeno da se namjerava koristiti e-aukcija na zatvorenoj sjednici Komisije za nabavke održanoj dana 03.10.2017. godine u 12:00 sati Komisija je izvršila početnu ocjenu ponuda odnosno provjeru kvalifikacije kandidata/ponuđača, te konstatovala da su se ponuđači: "Ferhem" d.o.o. Lukavac i "Treasure" d.o.o. Zenica kvalifikovali za dalji tok javne nabavke.

U Početnoj ocjeni ponuda komisija je utvrdila da je ponuda kvalifikovanog ponuđača "Ferhem" d.o.o. Lukavac prihvatljiva jer potpuno udovoljava svim traženim uslovima iz Tenderske dokumentacije i Obavještenja o nabavci, te je ponuda unesene u sistem e-nabavke, dok se ponuda ponuđača "Treasure" d.o.o. Zenica odbacuje kao neprihvatljiva jer nije dostavio obrazac za cijenu ponude Aneksa III kako je traženo tenderskom dokumentacijom.

Ponuđač "Treasure" d.o.o. Zenica u svojoj ponudi broj KZ-310/17 od 03.10.2017 je dostavio samo prvu stranu Aneksa III (nedostaju strane 2 i 3). Na strani 2 od 3 Aneksa III ponuđač je bio obavezan unijeti podatke ponudene cijene brojevima i slovima te uslove: rok plaćanja, rok isporuke i opciju ponude.

Obzirom da ponuđač "Treasure" d.o.o. Zenica nije dostavio obrazac kako je traženo tenderskom dokumentacijom niti je na bilo kojem drugom mjestu u ponudi naveo podatke strane 2 od 3 Aneks III, ponuda ponuđača "Treasure" d.o.o. Zenica odbacuje se kao neprihvatljiva.

Od ponuđača "Ferhem" d.o.o. Lukavac je zatraženo da prihvati ispravku računске greške u skladu sa članom 17. Uputstva za pripremu modela tenderske dokumentacije i ponuda što je ponuđač prihvatio.

Komisija je u skladu sa članom 3. stav (3) pravilnika o uslovima i načinu korištenja e-aukcije utvrdila da se ne može zakazati e-aukcija jer je primljena 1 prihvatljiva ponuda.

Komisija je izvršila analizu prihvatljivih ponuda prema kriteriju **Najniža cijena** i sačinila konačnu rang listu prihvatljivih ponuda, te konstatuje sledeće:

Ponuda koja je ocijenjena kao najuspješnija je ponuda ponuđača koji je ponudio najnižu cijenu:

1. "Ferhem" d.o.o. Lukavac ponuda broj 0210/17 od 02.10.2017. godine sa sljedećim elementima ponude:
  - ponudena cijena: 14.393,26 KM bez uračunatih 17% PDV-a, odnosno 16.840,11 KM sa uračunatih 17% PDV-a, na paritetu DDP Rudnik Đurdevik,
  - rok plaćanja: 60 dana od dana fakturisanja, odnosno isporuke robe bez bankovne garancije za odloženo plaćanje,
  - rok isporuke: 20 dana od dana zaključivanja ugovora,
  - naziv proizvođača i zemlja porijekla: IGM - Makedonija, ISO Dunaffer - Mađarska, Stomana – Bugarska, Marcegaglia – Italija i Stomana – Italija i Interacciai – Italija,
  - opcija ponude: 60 dana.

### Pravo žalbe

Ponuđač koji je učestvovao u postupku javne nabavke po ovom predmetu i koji smatra da je Ugovorni organ u toku konkretnog postupka izbora najpovoljnije ponude, odnosno dodjele Ugovora prekršio jednu ili više odredbi Zakona o javnim nabavkama BiH, ima pravo izjaviti žalbu na postupak, na način i u rokovima utvrđenim u članu 99. i 101. stav (5) i (6) Zakona o javnim nabavkama BiH.

Žalba se izjavljuje Ugovornom organu kao prvostepenoj instanci u žalbenom postupku, u pismenoj formi i u roku 5 dana od dana prijema Odluke o izboru najpovoljnijeg ponuđača.



DOSTAVLJENO:

- ponuđačima,
- arhivi,